

MARTENS PRESIDENTEAK PP LAGUNDU IZANA ETA EPPKO ZUZENDARITZAREKIKO DESAKORDIOAK DAUDE OINARRIAN

EAJk Europako Parlamentuko EPP utzi du eta Berdeak-Europako Aliantza Librera doa

■ Europako Partidu Popularrean joera kontserbadore eta ez federalistak nagusitzen ari direla uste du EAJk

■ EPPko lehendakari Wilfred Martensek Espainiako PPren soldatapekoa dirudiela esan du Arzalluzek

■ Berdeak taldean Estaturik gabeko herri batzuetako parlamentarioak ere badaude, tartean EAJ eta EAKoak

Iñaki Uriarte / Bilbo

JOSU ORTUONDO europarlamentario jeltzaleak Berdeak-Europako Aliantza Libre talderako izena ematen zuelarik, EAJk faxez adierazi zion Europako Parlamentuko EPP taldeari euskal parlamentarioa ez dutela taldeki-de izango.


Arratsaldeko 17:00etan Xabier Arzalluz, Iñaki Anasagasti eta Ricardo Ansotegi EBBko idazkariak EAJren erabakiaren berri eman zuten. Arzalluzek berak azaldu zuenez, EAJri ez zaio batere erraza gertatu Europako Partidu Popularretik irtetea, azken batean ez baita ahaztu behar EAJ EPP eta Internacional Demokristauren sortzaileetako bat izan zela.

Berdeak-EAL europako hirugarren taldea da eta 48 parlamentario biltzen ditu. Berdeekin batera, Eskozia, Gales, Flandria, Galizia, eta Andaluziako alderdietako ordezkariak daude. Euskal Herritik Josu Ortuondo eta Gorka Knörr EAJ eta EAKo parlamentarioak egongo dira.

Burukide jeltzaleek azal dutakoaren arabera, erabaki garrantzitsu hori hartzeko orduan ez dira iritzi guztiak bat etorri, baina herenegun EPPren zuzendaritza berria eratzeko orduan zazpi kide-tatik alderdi demokristaue-tako ordezkari bi —Alemania eta Holandakoak— besterik ez izatea azken tanta izan bide da.

Kritika latzak Martensen jokabideari

Erabaki hau hartzeko bi arrazoi nagusi eman zituen EAJk Alejandro Agag EPPko idazkariari bidalitako idazkian: «Batetik, EPPren zuzendaritza politikoarekin izandako desadostasunak, batez ere Wilfred Martensekin lehendakariarekin, eta bestetik, Alderdi Popularrak jasan duen norabide ideolo-



Xabier Arzalluz aurpegi serioz agertu zen EAJren erabakia azaltzeko prentsaurrean.

XOUSE SIMAL

gikoaren aldaketa nabarmenak».

Jeltzaleentzat bereziki mingarria izan zen iragan maiatzean Wilfred Martensek PPren aldeko botoa eskatu izana Bilboko mitinean.

«Duela gutxi EPPren lehendakariak Euskal Herrira egin zuen bisitan hauteskundeen aurrekanpainan PPren alde eta gure alderdi politikoaren kontra lanean jardun izana

aipatu lehendakariaren jokabide guztiz oker baten gailurra izan zen. Ezin dugu ahortzari lehendakari batek inoiz ez lukeela bere erakundea osatzen duten taldeen kontra jo behar», esan zuen Arzalluzek.

Joera kontserbadorea

Burukide jeltzaleak ezkerri aurre egiteko alderdi arrunt

ezberdinen talde eskuindarizat jo zuen EPP.

«Taldearen joera nagusiki kontserbadoreak geroz eta arrotzago sentiarazten gaitu, izan ere, bere nortasunaren ezaugarriak galtzen ari den Alderdi honek ezkerreko alderdiak era orokor batean gainditzea beste helbururik ez duen indarren metaketaitsu baten aldeko apustua egin du».

Edozelan ere, Internacional Demokristauren partaide izaten segitzeko borondatea erakutsi zuten EAJko buruzagiek.

Ricardo Ansotegik azaldu zuen EAJk talde bat bultzatuko duela estaturik gabeko herrietako ordezkariarekin. EALen dauden alderdien oinarriaz, CiU, CC eta Koldo Gorostiaga EHko europarlamentarioarekin batera.

EAJk, EAK eta EHk gaur emango dute Gipuzkoako Aldundiaren inguruko negoziazioen emaitzen berri

Erredakzioa / Donostia GIPUZKOAKO eta Bizkaiko foru aldundien gobernu batzordeak osatzeko negoziazioek aurrera jarraitzen dute. Gipuzkoan EAJ, EA eta EHko negoziaketa batzordea egunero bildu da aste honetan. Atzo hiru taldeek oharra kaleratu zuten bileren berri emanez. Oharrean ziotenez, aste honetan lau aldiz elkartu dira lege-

gintzaldi honetarako «elkar-lan moduak aztertze eta programa adostasunak aztertze eta finkatzeko».

Hiru alderdietako kideek arratsalde osoa egin zuten bilduta Roman Sudupe EA-EAJko ahaldu nagusirako hautagaiak aurkeztzen duen gobernu programaren inguruko jarrera aztertzen.

Gaur ere berriz bilduko dira negoziazioekin jarraitze-

ko, eta gaur aste gutziko bileren emaitzak kaleratuko dituztela espero da.

EHk atzo berriz ere adierazi zuen desadostasunak gainditu eta akordio batera heltzeko borondate politikoa badagoela, eta ildo horretan «aurrerapenak baieztatzen ari» direla erantsi zuen.

Aurreko egunetan alderdien arteko desadostasunak batez ere programaren ingu-

rukoak zirela azaldu zuten alderdiek, baina egunak igaro ahala «programaren inguruan adostasun zabala» lortu dela azaldu zuen EHk herenegun.

Halaber, talde horren iritzi, diputazioetan akordioak lortzeko ikuspegi orokorra izan behar da kontuan, eta orokortasunean ados jarritz gero, programa arazok gaindi daitezkeela diote.